

ASESIAD A CHYNLLUN GWASTRAFF RHANBARTHOL DE-ORLLEWIN

CYMRU

CYFARFOD Y GRŴP TECHNEGOL RHANBARTHOL
Nodiadau cyfarfod dydd Iau 11^{eg} Rhagfyr 2003, am 2.00pm
Canolfan Ddinesig Penllergaer

Yn bresennol

| | |
|-------------------------|---|
| Geoff White (Cadeirydd) | CBS Castell-nedd Port Talbot |
| Ceri Morris | CBS Castell-nedd Port Talbot |
| Vaughan Thomas | CBS Castell-nedd Port Talbot |
| Audrey Evans | Asiantaeth yr Amgylchedd (DO Cymru) |
| Graham Dorrington | Cyngor Sir Ceredigion |
| Nick Oakes | Cyngor Sir Ceredigion |
| Phil Williams | Cyngor Sir Caerfyrddin |
| Neil Bateman | Cyngor Sir Caerfyrddin |
| Sue Martin | Llywodraeth Cynulliad Cymru |
| Cathy O'Brien | Llywodraeth Cynulliad Cymru |
| Ruth Brown | Awdurdod Parc Cenedlaethol Bannau Brycheiniog |

1. Ymddiheuriadau

| | |
|-----------------|-----------------------|
| Alban Forster | SLR Consulting Ltd |
| Ruth Henderson | Dinas a Sir Abertawe |
| Clifford Parish | Dinas a Sir Abertawe |
| Philip Marks | CYLCH |
| Bleddyn Jones | Cyngor Sir Ceredigion |

2. Nodiadau cyfarfod 28^{ain} Tachwedd 2003 - Nodwyd

3. Y mathau o gyfleusterau sydd i'w hystyried yn is-ranbarthol:

Cadarnhaodd GW y byddai'n rhaid cytuno ar atodiad i'r CGRh i ddelio â chyfleusterau is-ranbarthol yn ystod y 6 mis nesaf ac y byddai'n rhaid cael consensws ar y math o gyfleusterau y dylid eu cynnwys.

Yn dilyn trafodaeth cytunwyd ar y canlynol.

- **Tirlenwi:** cytunwyd bod hwn yn gyfleuster is-ranbarthol;
- **TBM:** cytunwyd bod hwn yn gyfleuster is-ranbarthol. Mae angen cael barn swyddogion y chwe awdurdod gwastraff trefol yn y rhanbarth;
- **Compostio:** Cytunwyd y gellid cael cyfleusterau is-ranbarthol ar gyfer ffrydiau gwastraff Masnachol a Diwydiannol; ond nid felly ar gyfer gwastraff trefol;
- **Eco-Barc** (gan gynnwys cyfleusterau i drin deunyddiau ailgylchadwy etc.): cytunwyd nad yw hwn yn gyfleuster gwastraff fel y cyfryw;
- **Gwastraff Peryglus:** cytunwyd bod hwn yn gyfleuster is-ranbarthol. Nodwyd bod dau safle posib yn y rhanbarth sy'n gallu trin gwastraff peryglus, ond nid yw'r rhain yn borth agored ar hyn o bryd.

Nodwyd y pwyntiau canlynol.

- Bydd datblygu unrhyw gyfleuster is-ranbarthol yn ddibynnol ar rym y farchnad;
- O ran gwastraff peryglus, mae angen mwy o ymchwil i faint y broblem a bod yn glir ynghylch yr

hyn y mae angen i ni gynllunio ar ei gyfer;

- Mae Fforwm Gwastraff Peryglus Cymru Gyfan ddydd Mawrth 13^{eg} Ionawr 2004;
- Mae Corus wedi awgrymu y byddant yn parhau i drin eu gwastraff peryglus eu hunain;
- O ran compostio, mae'r awdurdodau lleol yn hyrwyddo'r cyfleusterau sy'n ymwneud â gwastraff trefol, ond diwydiant sy'n hyrwyddo'r ffrydiau gwastraff eraill;
- O ran datblygu cyfleusterau, mae angen ymchwil i arbedion maint. Bydd cyfleusterau mwy yn fwy cost-effeithiol.

4. Sut i ddatblygu hyn?

Rhoddodd GW amlinelliad o'r opsiynau posib ar gyfer datblygu. Nodwyd y pwyntiau canlynol.

- Wrth ystyried tirlenwi, gallai'r man cychwyn ymwneud â nodi safleoedd gwag a chyfleoedd codi tir, nodi'r llwybrau cludiant da ac astudio daeareg a hydrodaeareg y rhanbarth. **Gweithredu:** CO i drafod cynhyrchu map o'r rhanbarth gydag AY;
- Mae angen ymchwil sylweddol e.e. astudiaeth ymarferoldeb;
- Er mwyn defnyddio LANDMAP byddai'n rhaid rhoi sylw llawn ar draws yr holl ranbarth;
- Posibilrwydd o ddefnyddio proses o asesu opsiynau yn erbyn cyfres o ddangosyddion (yn debyg i gyflenwad a galw crynswth);

Cytunwyd ar y canlynol.

- Gwahodd Catherine Peasley (ADC – Swyddfa Aberystwyth) i'r cyfarfod nesaf. **Gweithredu:** GW.
- Cysylltu ag Adrian Stewart (CGAC - WESA) i drafod 'meysydd diddordeb' o ran tirlenwi. **Gweithredu:** GW.
- Cadarnhau a oes terfynau rhanbarthol tebyg yn bodoli yn y fforymau Datblygu Economaidd. **Gweithredu:** GW.

5. Dyddiad y cyfarfod nesaf

Cadarnhawyd y byddai'r cyfarfod nesaf am 2.00pm, dydd Gwener 23^{ain} Ionawr, Canolfan Ddinesig Penllergaer.

6. Unrhyw Fater Arall

Yng ngoleuni'r CGRh sy'n datblygu, gofynnodd SM am y diweddaraf ynghylch sefyllfa'r CDUau unigol.

Castell-nedd Port Talbot: cadarnhaodd GW ei bod yn debygol y byddai'r materion yn y CGRh yn cael eu cynnwys yn y CDU.

Ceredigion: GD i adrodd yn ôl.

Bannau Brycheiniog: dywedodd RB y byddai elfennau o'r CGRh yn cael eu cynnwys.

Caerfyrddin: NB i adrodd yn ôl.